

ԾՐԱԳԻՐ

Քաղաքաշինության կոմիտեի ֆինանսատնտեսագիտական և հաշվապահական հաշվառման վարչության փորձագետի կողմից իրականացվող աշխատանքների

Փորձագետի ներգրավման դեպքը և հիմնավորումները

Հաշվի առնելով Քաղաքաշինության կոմիտեի (այսուհետ՝ Կոմիտե) կատարման պատասխանատվությամբ նախատեսված բյուջետային ծրագրային ծախսերի ավելացման հետևանքով Կոմիտեի ֆինանսատնտեսագիտական և հաշվապահական հաշվառման վարչության (այսուհետ՝ Վարչություն) 2022 թվականին կատարման ենթակա աշխատանքների ծավալների ավելացումը և Վարչության չհամալրված աշխատատեղերի առկայությունը, անհրաժեշտություն է առաջացել պայմանագրային հիմունքներով ներգրավել համապատասխան փորձագետի:

Աշխատանքների իրականացման ժամանակահատվածը

Փորձագետը ներգրավվում է մինչև մեկ տարի ժամկետով:

Փորձագետին ներկայացվող պահանջները

- 1) Հաշվապահական հաշվառում և անուղիտ մասնագիտությամբ բարձրագույն կրթություն.
- 2) հանրային ծառայության առնվազն մեկ տարվա ստաժ կամ մեկ տարվա մասնագիտական աշխատանքային ստաժ կամ պաշտոնի անձնագրով պահանջվող աշխատանքի բնագավառում՝ մեկ տարվա աշխատանքային ստաժ.
- 3) իր լիազորությունների հետ կապված անհրաժեշտ իրավական ակտերի իմացություն.
- 4) համակարգչով և ժամանակակից այլ տեխնիկական միջոցներով աշխատելու ունակություն:

Ծրագրի ակնկալվող արդյունքը

Վարչությանը վերապահված առկա խնդիրների լուծման շրջանակներում փորձագետը իրականացնելու է ծրագրով նախատեսված հետևյալ աշխատանքները՝

1. պարբերաբար իրականացնում է Client-TREASURY ծրագրային համակարգով կատարված էլեկտրոնային վճարային գործարքների վերաբերյալ արտահանված տեղեկատվության հաշվարկային (կատարողական) փաստաթղթերի հաշվեգրված տվյալների հետ համադրման, ճշտության ու համապատասխանության ստուգման աշխատանքներ (շարունակական),

2. իրականացնում է հաշվապահական հաշվառման էլեկտրոնային համակարգում (ՀԾ) կատարված գործառնությունների ուսումնասիրություններ և անճշտությունների բացահայտումներ (շարունակական),
3. ընտրանքային կարգով իրականացնում է հաշվապահական հաշվառման էլեկտրոնային համակարգում (ՀԾ) հաշվառված հիմնական միջոցների փաստացի առկայության, գտնվելու վայրի ստուգման և ուսումնասիրման աշխատանքներ (շարունակական):

Աշխատանքի գնահատման չափանիշները

Աշխատանքի արդյունքները ներկայացվում են ամփոփ հաշվետվության ձևով, որում ներառված ստորև ներկայացված բաղկացուցիչները հանդիսանում են գնահատման առարկա և չափանիշ՝

- 1) Client-TREASURY ծրագրային համակարգով կատարված էլեկտրոնային վճարային գործարքների վերաբերյալ արտահանված տեղեկատվության հաշվարկային (կատարողական) փաստաթղթերի հաշվեգրված տվյալների հետ համադրման և ստուգման արդյունքների վերաբերյալ եզրակացություն,
- 2) հաշվապահական հաշվառման էլեկտրոնային համակարգում (ՀԾ) կատարված գործառնությունների ուսումնասիրությունների արդյունքների հիման վրա ներկայացվող հաշվետվություն և վերաձևակերպումների առաջարկություններ,
- 3) հաշվապահական հաշվառման էլեկտրոնային համակարգում (ՀԾ) հաշվառված հիմնական միջոցների փաստացի առկայության, գտնվելու վայրի ստուգման և ուսումնասիրման արդյունքների հիման վրա ներկայացվող հաշվետվություն և փաստաթղթային կարգավորման առաջարկություններ,

Հաշվետվությունների ներկայացման և դրանց գնահատման արդյունքների ամփոփիչ ժամկետները

Փորձագետն ամփոփ հաշվետվությունը ներկայացնում է

- ծրագրի ավարտից հետո 1 աշխատանքային օրվա ընթացքում, որը գնահատվում է ավարտական փուլով:
- Կատարված աշխատանքի արդյունքը գնահատվում է բավարար, լավ կամ գերազանց:

Տեղեկատվություն

Քաղաքաշինության կոմիտեի ֆինանսատնտեսագիտական և հաշվապահական
հաշվառման վարչությունում փորձագետ ներգրավելու համար դիմած և
պայմանագիր կնքած անձի մասին

N	Պաշտոնի անվանում	Դիմողի անուն, հայրանուն, ազգանուն	Պայմանագիր կնքած անձի անուն, հայրանուն, ազգանուն
1.	Ֆինանսատնտեսագիտական և հաշվապահական հաշվառման վարչության փորձագետ	Սուսաննա Թորգոմի Զաքոյան	Սուսաննա Թորգոմի Զաքոյան

17.01.2022թ.